

# SVJEDOCI TUŽILAŠTVA - TUŽILAC PROTIV RATKA MLADIĆA

(Samo za upotrebu medija. Nije zvanični dokument).

TUŽILAŠTVO

Šifra svjedoka/ Način i vrijeme svjedočenja	Ime svjedoka i redosljed pozivanja <sup>1</sup>	Podaci o prethodnim svjedočenjima (ako ih je bilo) i lični podaci
<b>Izvođenje dokaznog postupka tužilaštva: Prvi dio</b>		
<p>RM068 Viva voce 2 sata</p>	<p><b>1. Elvedin PAŠIĆ</b></p>	<p><u>Prethodno svjedočio pred Sudom:</u> U predmetu <i>Brđanin</i>: 14. jula 2003. U predmetu <i>Krajišnik</i>: 20-21. oktobra 2004.</p> <p><u>Podaci o svjedoku:</u> Elvedin PAŠIĆ je rođen 1978. i imao je 14 godina u vrijeme događaja iz 1992. godine o kojima će govoriti. Opisat će razaranje i hotimično uništavanje stambenih objekata, napade na sela, proganjanja ne-Srba, batinanja, ubijanja i okrutne i neljudske uslove u školi u Grabovici koja je služila kao pritvorski objekt.</p> <p>Svjedok je živio u selu Hrvacani. Opisuje pripreme Vojske Republike Srpske, a pogotovo na području sela Dabovci. Njegovo selo je granatirano i mještani su pobjegli u Plitsku i druga okolna sela, na putu su morali izbjegavati snajpersku vatru. Svjedok će govoriti o tome da je petero starijih mještana ostalo u selu, i da su ubijeni.</p> <p>Svjedok opisuje pokušaje mještana da se zaštite i opisuje generalno užasne uslove. Svjedoči kako su se izbjeglice iz napadnutih sela kretale od sela do sela. U oktobru 1992. svim izbjeglicama iz Hrvacana je rečeno da prijeđu u Večiće, ali su prvo morali da izvade putne isprave kod vlasti bosanskih Srba u Vrbanjcima.</p> <p>Nakon 4 dana u Večićima otišao je sa grupom boraca, zajedno sa ženama i djecom. Upali su u zasjedu i mnogi muškarci su poginuli. Predali su se i zatočeni su u školi u Grabovici. Svjedok opisuje batinanja od strane vojske bosanskih Srba. Vojno sposobni muškarci su odvojeni od žena i djece; ti muškarci ostaju u školi i nikad više nisu viđeni. Svjedok je pušten jer su ga smatrali djetetom. Ukranci su u autobuse nakon što su ih pretukli civili koji su stajali poredani na putu do autobusa. Prvo su otišli u Vrbanjce gdje su stigli i ostali autobusi sa izbjeglicama iz okolnih sela i prebačeni su u Travnik.</p>
<p>RM505 Pravilo 92 ter 2 sata</p>	<p><b>2. David HARLAND</b></p>	<p><u>Prethodno svjedočio pred Sudom:</u> Predmet <i>Slobodan Milošević</i>: 18. septembra i 5. novembra 2003. Predmet <i>Dragomir Milošević</i>: 15. i 16. januara 2007. Predmet <i>Karadžić</i>: 6-11. maja 2010.</p> <p><u>Podaci o svjedoku:</u></p>

# SVJEDOCI TUŽILAŠTVA - TUŽILAC PROTIV RATKA MLADIĆA

(Samo za upotrebu medija. Nije zvanični dokument).

TUŽILAŠTVO

		<p>David HARLAND je bio službenik za civilne poslove i politički savjetnik UNPROFOR-a od juna 1993. do kraja sukoba. Ostaje u Sarajevu kao pripadnik UN-a do 1999. Često je prisustvovao sastancima sa raznim vođama uključujući Karadžića i Mladića. Učestvovao je u pregovorima koji su se, između ostalog, ticali i slobode kretanja za civile i UNPROFOR, kao i o ponovnom uspostavljanju opskrbe Sarajeva. Harland je bio glavni sastavljač političkih izvještaja iz UNPROFOR-a i Sarajeva od 1993. do 1995. i kao takav je bio odgovoran za sastavljanje posebnih izvještaja i tjednih političkih procjena, kao i za pisanje tekstove određenih sporazuma. Prema tome on će potvrditi autentičnost, komentirati i staviti u kontekst tjedne političke procjene iz tog perioda kao i druge relevantne dokumente UNPROFOR-a. Harland je sastavio i izvještaj generalnog sekretara UN-a o Srebrenici iz 1997. godine.</p> <p>Harland će svjedočiti o situaciji u Sarajevu između 1993. i 1995. godine. U prosjeku, padalo je hiljadu granata na dan, uz značajna zatišja tokom primirja 1994. godine.</p> <p>Svjedok će takođe posvjedočiti da je cilj Karadžića i drugih pripadnika vodstva bosanskih Srba bio premještanje populacije Bosne i Hercegovine kako bi Srbi imali kontrolu nad jedinstvenim dijelom teritorija koji bi se prostirao duž cijele granice sa Crnom Gorom i Srbijom i koji bi uključivao područja tradicionalno nastanjena Srbima.</p> <p>On će takođe svjedočiti o odnosu Mladića i Karadžića. Svjedok se od 1993. do 1995. godine sastao s Mladićem dvadesetak puta.</p>
<p>RM350 Pravilo 92 ter 1,5 sat</p>	<p>3. Christina SCHMITZ</p>	<p><u>Prethodno svjedočila pred Sudom:</u> U predmetu <i>Karadžić</i>: 26. marta 2012. <u>Podaci o svjedoku:</u> Christina SCHMITZ je bila terenski koordinator za jedan projekt u Srebrenici. Radila je za Liječnike bez granica (<i>Medicins Sans Frontières</i> (MSF)) kao medicinska sestra. Svjedočit će o granatiranju u blizini kolone koja se kretala prema Potočarima i o situaciji u Potočarima. Takođe će opisati svoj sastanak s Mladićem.</p>
<p>RM278 Pravilo 92 ter 1,5 sat</p>	<p>4. Joseph KINGORI</p>	<p><u>Prethodno svjedočio pred Sudom:</u> U predmetu <i>Krstić</i>: 31. marta 2000. i 3. aprila 2000. U predmetu <i>Popović et al</i>: 12-14. decembra 2007. i 10-11. januara 2008. U predmetu <i>Tolimir</i>: 14-16. i 20. septembra 2010. U predmetu <i>Karadžić</i>: 11-13. januara 2012.</p> <p><u>Podaci o svjedoku:</u> Potpukovnik KINGORI je kao vojni posmatrač Ujedinjenih nacija (UNMO) bio prisutan u Srebrenici od marta do jula 1995. Svjedočit će da ga je u junu 1995. pukovnik Vuković pitao kakva će biti reakcija Ujedinjenih nacija na zauzimanje Srebrenice od strane VRS-a i protjerivanje stanovništva.</p> <p>Svjedok će svjedočiti o deportaciji/prisilnom premještanju Muslimana iz Srebrenice. Kingori je u jedinstvenoj poziciji da pruži dokaze o namjeri VRS-a, nastaloj najkasnije početkom juna, da zauzme srebreničku enklavu i protjera stanovništvo.</p>

# SVJEDOCI TUŽILAŠTVA - TUŽILAC PROTIV RATKA MLADIĆA

(Samo za upotrebu medija. Nije zvanični dokument).

TUŽILAŠTVO

		<p>Kingori je takođe svjedok vojnog napredovanja VRS-a prema Srebrenici, granatiranja enklave, situacije u Srebrenici, traumatičnog razdvajanja muslimanskih izbjeglica - muškaraca od ostalih izbjeglica u Potočarima i razdvajanja u Bijeloj kući preko puta baze UNPROFOR-a. Kingori je protestirao kod Mladića zato što je Bijela kuća bila prenatrpana. Mladić mu je rekao da je, što se njega tiče, tim ljudima udobno i nije dozvolio Kingoriju da uđe u Bijelu kuću.</p> <p>Kingori je takođe vidio prebacivanja svih izbjeglica autobusima, uključujući i zasebno prebacivanje muslimanskih izbjeglica - muškaraca. On je kazao da su se muškarci Muslimani užasno bojali da će ih bosanski Srbi ubiti.</p>
<p>RM255 Viva voce 1 sat</p>	<p>5.</p>	<p><u>ZAŠTIĆENI SVJEDOK</u> Svjedok je preživio strijeljanje na Vojnoj ekonomiji Branjevo.</p>
<p>RM282 Pravilo 92 ter 2 sata</p>	<p>6. Eelco KOSTER</p>	<p>Prethodno svjedočio pred Sudom: U predmetu <i>Krstić</i>: 24. maja 2000. i 23. mart a2001. U predmetu <i>Popović et al.</i>: 25-27. oktobra 2006. U predmetu <i>Perišić</i>: 2.-4. decembra 2008.</p> <p><u>Podaci o svjedoku:</u> Eelco KOSTER je bio pripadnik Holandskog bataljona. Svjedočit će o dolasku muslimanskih izbjeglica u bazu UN-a u Potočarima i o svom razgovoru s Mladićem koji tada izjavljuje da namjerava evakuirati izbjeglice i da će biti problema ako Holandani ne budu surađivali.</p> <p>Svjedok će svjedočiti o dolasku gradskih autobusa ispred baze, te o tome kako je vojska bosanskih Srba ukrcavala muslimanske žene i djecu u te autobuse koji su ih vozili ka Bratuncu. U isto vrijeme, veliki broj muškaraca Muslimana je bio zatvoren u jednu bijelu kuću dok su sve njihove lične stvari stajale vani na gomili. Svjedok će takođe govoriti o dolasku nove grupe vojnika - bosanskih Srba u bazu 13. jula, koji su nastavili sa ukrcavanjem zatvorenika u autobuse. Istog dana Koster je otišao s Johannesom Ruttenom do jednog polja u blizini potoka zapadno od baze UN-a gdje je vidio devet tijela u civilnoj odjeći sa strijeljnim ranama po sredini leđa.</p>
<b>Izvođenje dokaznog postupka tužilaštva: Drugi dio</b>		
<p>RM515 Pravilo 92 ter 1.5 sat</p>	<p>7. Aernout VAN LYNDEN</p>	<p>Prethodno svjedočio pred Sudom: U predmetu <i>Slobodan Milošević</i>: 15.-16. septembra 2003. U predmetu <i>Galić</i>: 23.-24. januara 2002. U predmetu <i>Mrkšić</i>: 23.-24. januara 2006. U predmetu <i>Martić</i>: 2. juna 2006. U predmetu <i>Perišić</i>: 3.-6. oktobra 2008. U predmetu <i>Karadžić</i>: 19.-31. maja 2010.</p>

# SVJEDOCI TUŽILAŠTVA - TUŽILAC PROTIV RATKA MLADIĆA

(Samo za upotrebu medija. Nije zvanični dokument).

TUŽILAŠTVO

		<p><u>Podaci o svjedoku:</u> Aernout VAN LYNDEN je novinar koji je za <i>Sky News</i> izvještavao o ratu u BiH u periodu od 1991. do 1995. Svjedočit će o tome kako je izvještavao o ratu u Sarajevu od 1992. do 1994. kao profesionalni ratni izvjestitelj, kao i o intervjuima koje je vodio i kontaktima koje je imao s Radovanom Karadžićem i Ratkom Mladićem.</p> <p>Tokom nekoliko mjeseci 1992. godine Van Lynden je bio u Sarajevu, a 1993. godine je u nekoliko navrata bio u kraćim posjetama Sarajevu. Neko vrijeme je proveo i na Palama. Svjedok se sastao i s Mladićem i s Karadžićem i prepričat će svoje razgovore s njima. Govorit će i o svojim zapažanjima o uslovima u kojima su svakodnevno živjeli civili u Sarajevu.</p> <p>Svjedok će govoriti o snajperskim napadima i grantiranju Sarajeva kao i o upotrebi artiljerije i minobacača od strane VRS-a. Potvrdit će da je pucano na bolnicu u Sarajevu. Govorit će i o tome kako je obilazio položaje koje je držala Vojska Republike Srpske oko Sarajeva na planini Trebević, u Grbavici i Hrasnom. Svjedok će opisati topografiju regije i položaja koje je držala Vojska Republike Srpske.</p> <p>Svjedok će detaljno govoriti i o svojim posjetama i izvještajima koje je slao iz Dobrinje, zatvora u Kuli, Trebevića, Grabovice, Hrasnog, Vlasenice, Žuči, Bihaća, Srebrenice i Goražda.</p>
RM114 Pravilo 92 ter 1.5 sat	8. Colm DOYLE	<p><u>Prethodno svjedočio pred Sudom:</u> U predmetu <i>S. Milošević</i>: 26.-27. augusta 2003. U predmetu <i>Strugar</i>: 3.-4. februara 2004. U predmetu <i>Karadžić</i>: 21.-26. maja 2002.</p> <p><u>Podaci o svjedoku:</u> Colm DOYL je bio pripadnik ECMM-a od oktobra 1991. do marta 1992. i bio je zadužen za vezu s Lordom Carringtonom do augusta 1992. Od oktobra 1991. do novembra 1992. radio je u Banja Luci i svjedočit će o poslu koji je tamo imao i koji je bio fokusiran na sastanke s vođama različitih političkih partija. Svjedok će opisati početak rata u Bosni i Hercegovini i pružit će dokaze tijesne povezanosti Jugoslavenske narodne armije i bosanskih Srba. Opisat će svoj sastanak s Karadžićem u januaru 1992. i sukob koji je nastao nakon rezultata referenduma za nezavisnost BiH.</p> <p>U martu 1992. svjedok je postao Carringtonom osobni predstavnik, što mu je omogućilo da prati političku i vojnu situaciju. U aprilu 1992. sudjelovao je u pregovorima sa sukobljenim stranama o prekidu vatre koji su bili neuspješni, iako je sporazum o prekidu vatre potpisan. Daljnji pokušaji prekida vatre i povlačenja koji su se odvijali u maju 1992. bili su također neuspješni, a svjedok je vidio da je Sarajevo napadnuto teškom artiljerijom. U maju 1992. vidio je kako je velika granata ubila više ljudi koji su u Sarajevu čekali u redu za kruh. Nakon toga su se uslovi života pogoršali, tako da se do jula 1992. morao gradom kretati u oklopnim vozilima noseći pancirni prsluk.</p>
RM115 Pravilo 92 0.75 sata	9.	<u>ZAŠTIĆENI SVJEDOK</u>
RM128	10. John JORDAN	<u>Prethodno svjedočio pred Sudom:</u>

# SVJEDOCI TUŽILAŠTVA - TUŽILAC PROTIV RATKA MLADIĆA

(Samo za upotrebu medija. Nije zvanični dokument).

TUŽILAŠTVO

Pravilo 92 ter 0.75 sata		<p>U predmetu <i>D. Milošević</i>: 21.- 22. februara 2007.</p> <p><u>Podaci o svjedoku:</u> U periodu od novembra 1992. do kraja 1995. svjedok je često dolazio u Sarajevu. On je bio jedan od nekoliko internacionalnih dobrovoljaca, vatrogasaca, koji su se priključili bosanskohercegovačkim timovima za hitne intervencije u Sarajevu za vrijeme opsade. Pružit će dokaze o napadima kojima su redovito bili izloženi dok su pokušavali pomoći žrtvama opsade.</p> <p>Svjedok će opisati djelovanje granatiranja i snajperskih napada na civilno stanovništvo i potvrdit će da je većina žrtava koje je vidio bili žene i djeca. On je intervenirao u napadima u kojima je stradalo najmanje 200 civila u periodu od augusta 1994. pa do kraja rata.</p> <p>Svjedok će potvrditi da su srpske snage upotrebljavale modificirane avionske bombe i detaljno će govoriti o strukturi VRS-a, vojnoj disciplini, komandi i kontroli.</p>
RM147 Pravilo 92 ter 0.75 sata	11.	<u>ZAŠTIĆENI SVJEDOK</u>
RM034 Pravilo 92 ter 0.75 sata	12. Fejzija HADŽIĆ	<p><u>Prethodno svjedočio pred Sudom:</u> U predmetu <i>Krajišnik</i>: 24. septembra 2012.</p> <p><u>Podaci o svjedoku:</u> Fejzija HADŽIĆ je preživio masakr u Jalašačkom polju kod Kalinovika. Svjedočit će o međunacionalnim nesuglasticama, političkoj situaciji, i povećanom neprijateljstvu koje je počelo 1990. i 1991. kada su vojnici Jugoslavenske narodne armije došli u općinu zbog pripreme razmještaja vojske.</p> <p>Svjedok će opisati kako je u junu 1992. bio uhapšen i zatvoren prvo u osnovnu školu a zatim u KP Dom u Foči gdje je bio teško pretučen. 5. augusta 1992. odvezen je kamionom zajedno s jednim brojem drugih zatvorenika, a potom su ih postrojili u polju i pucali na njih. Bio je ranjen ali se pravio mrtav i preživio je masakr. Uspio je pobjeći nakon što su tijela prebačena u jednu staju i zapaljena.</p>
RM010 <i>Viva Voce</i> 2 sata	13.	<u>ZAŠTIĆENI SVJEDOK</u>
RM018 Pravilo 92 ter 1 sat	14.	<u>ZAŠTIĆENI SVJEDOK</u>
RM053 Pravilo 92 ter 0.75 sata	15. Adil MEDIĆ	<p><u>Prethodno svjedočio pred Sudom:</u> U predmetu <i>Brđanin</i>: 25.-26. februara 2002.</p> <p><u>Podaci o svjedoku:</u></p>

# SVJEDOCI TUŽILAŠTVA - TUŽILAC PROTIV RATKA MLADIĆA

(Samo za upotrebu medija. Nije zvanični dokument).

TUŽILAŠTVO

		<p>Adil MEDIĆ je radio kao ekonomist, a 1991. se dobrovoljno javio u Islamsko udruženje. Svjedočit će kako je jedna grupa organizacija koje su se zvale «Muslimanski korpus» osnovana 1992. kada je počeo rat. Svjedok je bio zadužen za komisiju Muslimanskog korpusa za logor Manjaču. Svjedočit će o nehumanim uvjetima koji su vladali u logoru kao i o redovnim premlaćivanjima i ubijanjima zatočenika.</p> <p>Svjedok je posjetio Manjaču oko 25 puta, uključujući i 18. juna 1992. na poziv generala Talića. Opisat će teške uslove života u logoru kao i razgovor s jednim zatočnikom koji mu je opisao premlaćivanja u logoru. Svjedok je također pomagao preživjelima masakra koji se dogodio na planini Vlašić.</p> <p>Svjedok je uhapšen 1. marta 1995. Prebačen je u vojni zatvor Mali logor u Banja Luci. Pretučen je tri puta. Oslobođen je 29. decembra 1995.</p>
<p>RM083 Pravilo 92 ter 0.5 sata</p>	<p><b>16. Safet TAČI</b></p>	<p><u>Prethodno svjedočio pred Sudom:</u> U predmetu <i>Kvočka</i>: 7. jula 2000.</p> <p><u>Podaci o svjedoku:</u> 1992. godine Safet TAČI je radio kao metalski radnik. U aprilu 1992. vratio se iz Hrvatske u Kozarac. Bio je zatočen i u Keratermu i u Trnopolju i svjedočit će o uslovima života kojima su bili izloženi zatočenici logora, što je uključivalo premlaćivanja i ubijanja.</p> <p>Svjedok opisuje masakr zatočenika iz sobe broj 3 koji se dogodio krajem jula 1992. Vojnici su postavili stol na koji su stavili mitraljez uperen u sobu broj 3 u kojoj su bili seljani iz okolnih mjesta. Vojnici su pucali iz mitraljeza na sobu punu zatočenika. Sljedećeg jutra došao je veliki kamion da odveze tijela. Svjedok je morao pomoći pri nošenju jednog tijela. Kasnije je, 6. augusta, iz Keraterma prebačen u Trnopolje.</p>
<p>RM007 Viva Voce 2 sata</p>	<p><b>17. Rajif BEGIĆ</b></p>	<p><u>Prethodno svjedočio pred Sudom:</u> U predmetu <i>Brđanin</i>: 30.-31. maja 2002. U predmetu <i>Krajišnik</i>: 26.-27. maja 2004.</p> <p><u>Podaci o svjedoku:</u> Rajif BEGIĆ je preživio masakr na mostu Vrhpolje u Sanskom Mostu. Svjedočit će i o predratnoj srpskoj nacionalističkoj propagandi, napetostima i srpskim zahtjevima prije preuzimanja vlasti. Svjedok će opisati kako je 25. maja 1992. oko 50 vojnika Republike Srpske ušlo u njegovo selo. Ti vojnici su postavili haubice za granatiranje sela Hrustovo i Vrhpolje.</p> <p>Tjedan dana kasnije vojnici VRS-a su zapalili kuće, razdvojili muškarce od žena, i natjerali 20 muškaraca, uključujući i svjedoka da hodaju do mosta Vrhpolje. Četvorica su ubijena na putu do mosta. Svjedok će opisati kako su muškarci natjerani da se skinu, skoče u vodu gdje je na njih pucano. Svjedok je preživio tako što je zaronio.</p>
<p>RM039</p>	<p><b>18. Šefik HURKO</b></p>	<p><u>Prethodno svjedočio pred Sudom:</u></p>

# SVJEDOCI TUŽILAŠTVA - TUŽILAC PROTIV RATKA MLADIĆA

(Samo za upotrebu medija. Nije zvanični dokument).

TUŽILAŠTVO

Pravilo 92 ter 1 sat		<p>U predmetu <i>Karadžić</i>: 2. septembra 2011.</p> <p><u>Podaci o svjedoku:</u>                  Šerif HURKO je bio zatočen u školi u Vlahoviću i u Rasadniku u Rogatici. On je bosanski musliman, a 1992. je živio i radio u Sarajevu. Vratio se u Rogaticu u aprilu kako bi proslavio Bajram. Kada je počelo granatiranje ostao je u Rogatici. Svjedočit će o tome kako je bio uhapšen oko 14. augusta 1992. i odveden u srednju školu Veljko Vlahović. Poslje je prebačen u zgradu Rasadnika.</p> <p>Svjedok će svjedočiti o detaljima zatočeništva, premlaćivanju i ubijanja zatočenika kao i načinu na koji je bio ispitivan. Svjedok će govoriti kako su zatočenici bili prisiljeni na međusobni spolni odnos. Opisat će i prisilni rad u Rasadniku i u KPD Kula/Butmir gdje je kasnije prebačen. Rad je uključivao skupljanje mrtvih tijela.</p>
RM003 Pravilo 92 ter 1 sat	19. Ivo ATLIJA	<p><u>Prethodno svjedočio pred Sudom:</u>                  U predmetu <i>Stakić</i>: 3.-4. jula 2002.                  U predmetu <i>Brđanin</i>: 21. novembra 2002.                  U predmetu <i>Karadžić</i>: 20.-26. oktobra 2011.</p> <p><u>Podaci o svjedoku:</u>                  Svjedok je radio u radionici u rudniku Ljubija i živio u selu Briševo. Svjedočit će o napadima snaga bosanskih Srba na njegovo i susjedna sela. Svjedočit će o predratnoj propagandi i o preuzimanju Prijedora od strane Srpske demokratske stranke. Svjedočit će i o zatočeničkim logorima i napadima na mnoga sela i o uništavanju vjerskih zgrada.</p> <p>Svjedok će opisati da je Briševo prvi put granatirano 27. maja 1992., te da su ga srpske snage napale dva mjeseca kasnije. Opisat će napad i opisat će kako je tokom napada ubijeno 68 ljudi. Svjedočit će i o 16 masovnih grobnica.</p>
RM032 Pravilo 92 ter 0.75 sata	20.	<u>ZAŠTIĆENI SVJEDOK</u>
RM066 Pravilo 92 ter 1.5 sat	21.	<u>ZAŠTIĆENI SVJEDOK</u>
RM516 Pravilo 92 ter 2 sata	22. Edward VULLIAMY	<p><u>Prethodno svjedočio pred Sudom:</u>                  U predmetu <i>Duško Tadić</i>: 6.-7. juna 1996.                  U predmetu <i>Blaškić</i>: 24. aprila i 11. maja 1998.                  U predmetu <i>Milan Kovačević</i>: od 14. do 17. jula 1998.                  U predmetu <i>Sikirica i drugi</i>: 1. juna 2001.                  U predmetu <i>Stakić</i> od 16. do 18. septembra 2002.                  U predmetu <i>Prlić i drugi</i>: od 8. do 9. maja 2006.                  U predmetu <i>Karadžić</i>: 9. novembra 2011.</p>

# SVJEDOCI TUŽILAŠTVA - TUŽILAC PROTIV RATKA MLADIĆA

(Samo za upotrebu medija. Nije zvanični dokument).

TUŽILAŠTVO

		<p><u>Podaci o svjedoku:</u> Edward VULLIAMY je novinar koji je za <i>Guardian</i> izvještavao o ratu u bivšoj Jugoslaviji. U augustu 1992 je posjetio logore Omarska i Trnopolje, a zatim je putovao na područja Bosanske Krupe, Brčkog, Bijeljine, Jajca i Sarajeva. Svjedok će opisati šta je vidio tokom tih posjeta.</p> <p>Svjedok će govoriti o svojim razgovorima s KARADŽIĆEM i Nikolom KOLJEVIĆEM, o sastanku sa prijedorskim kriznim štabom, pomoći koju mu je pružio major Milutinović iz 1. krajiškog korpusa prilikom posjeta logorima, te o izjavama koje su mu dali predstavnici i međunarodne organizacije o prirodi i cilju sukoba.</p> <p>Osim toga, VULLIAMY je pratio konvoj ljudi koji nisu bili srpske nacionalnosti i koji su bili nasilno prebačeni iz Sanskog Mosta u Travnik i opisat će kako je za vrijeme putovanja vidio napade, premlaćivanja, otmice i pljačku.</p>
<p>RM067 Pravilo 92 ter 1 sat</p>	<p>23. Ibro OSMANOVIĆ</p>	<p><u>Prethodno svjedočio pred Sudom:</u> U predmetu <i>Dragan Nikolić</i>: 10. oktobra 1995. U predmetu <i>Duško Tadić</i>: 15. maja 1996. U predmetu <i>Milošević</i>: 24. novembra 2003. U predmetu <i>Krajišnik</i>: 1. septembra 2004. U predmetu <i>Stanišić i Župljanin</i>: 8. marta 2010. U predmetu <i>Karadžić</i>: od 25. do 29. augusta 2011.</p> <p><u>Podaci o svjedoku:</u> Ibro OSMANOVIĆ je bosanski Musliman iz Vlasenice koji je bio zatočen tokom 1992. i 1993. u policijskoj stanici u Vlasenici, u zatvoru u Vlasenici, u logorima Sušica i Batković. Svjedok će govoriti o tome kako je 23. i 24. aprila 1992. JNA preuzela Vlasenicu i o kako je kretanje Muslimanima na tom području bilo ograničeno.</p> <p>22. maja 1992. svjedok je uhapšen i zatočen u policijsku stanicu u Vlasenici zajedno s ostalim muškarcima muslimanske nacionalnosti. Time je započeo period zatočeništva u različitim zatvorima koji je trajao od maja 1992. do jula 1993. Svjedok je iz policijske stanice u Vlasenici odveden u opštinski zatvor u Vlasenici, u logor Sušica i na kraju u logor Batković u Bijeljini gdje je zadržan do 1993. godine.</p> <p>Svjedok će govoriti kako je, u vrijeme dok je bio zatočen u opštinskom zatvoru u Vlasenici, odveden u muslimansko naselje Drum, u predgrađu Vlasenice, da pokopa mrtve. Pokopao je 22 tijela odraslih muškaraca i svi osim jednoga su imali prostrjelne rane između očiju.</p> <p>Svjedok je zatim prebačen u logor Sušica gdje je Dragan NIKOLIĆ bio komandant. Bio je svjedok teških premlaćivanja i ostalih maltretiranja zatočenika. Opisat će i kako su ljudi umirali od premlaćivanja u logoru Batković i identificirat će neke žrtve koje su bile izdvojene za premlaćivanja.</p>



# SVJEDOCI TUŽILAŠTVA - TUŽILAC PROTIV RATKA MLADIĆA

(Samo za upotrebu medija. Nije zvanični dokument).

TUŽILAŠTVO

<p>RM078 Pravilo 92 ter 1.5 sat</p>	<p>24. Osman SELAK</p>	<p><u>Prethodno svjedočio pred Sudom:</u> U predmetu <i>Tadić</i>: 4.-5. juna 1996. U predmetu <i>Brđanin</i>: od 15. do 17. januara 2003 i od 20. do 24. januara 2003. U predmetu <i>S. Milošević</i>: od 12. do 13. juna 2003. U predmetu <i>Krajišnik</i>: 24. maja 2005. U predmetu <i>Stanišić i Župljanin</i>: 6. decembra 2010.</p> <p><u>Podaci o svjedoku:</u> Osman SELAK je bio profesionalni vojnik u JNA od 1955. do 1992. Imao je čin pukovnika i bio je komandant za logistiku u 5. korpusu banjalučkog komandnog područja.</p> <p>Svjedok će govoriti o zapovijedanju u banjalučkom korpusu (unutar JNA i VRS) i suradnji vojske Republike Srpske i srpskih civilnih vlasti. Govorit će i o otpuštanju i zaplijeni imovine ljudi koji nisu bili srpske nacionalnosti što su činile JNA i VRS.</p> <p>Svjedok nije osobno prisustvovao sastancima kriznog štaba, ali je bio u povremenom kontaktu sa Radoslavom BRĐANINOM. Bio je prisutan na sastanku održanom 1. juna 1992. kada je Momir TALIĆ naredio formiranje logora Manjača. Svjedok je posjetio Manjaču u junu 1992., a bio je prisutan i na sastanku koji je održan 22. juna 1992. kada je TALIĆ bio obaviješten o neadekvatnim uvjetima života i maltretiranjima u Manjači. Koliko SELAK zna, TALIĆ nikada nije naredio istragu po tom pitanju.</p>
<p>RM051 Pravilo 92 ter 1 sat</p>	<p>25.</p>	<p><u>ZAŠTIĆENI SVJEDOK</u></p>
<p>RM145 Pravilo 92 ter 0.5 sati</p>	<p>26.</p>	<p><u>ZAŠTIĆENI SVJEDOK</u></p>
<p>RM111 Pravilo 92 ter 0.5 sati</p>	<p>27. Sulejman CRNČALO</p>	<p><u>Prethodno svjedočio pred Sudom:</u> U predmetu <i>Krajišnik</i>: 2. i 3. septembra 2004. U predmetu <i>Karadžić</i>: 14. i 15. aprila 2010. U predmetu <i>Stanišić-Župljanin</i>: 21.-22. juna 2010.</p> <p><u>Podaci o svjedoku:</u> Sulejman CRNČALO je tvornički radnik muslimanske nacionalnosti. Živio je na Palama od 1978. sve do jula 1992. kada je otjeran. Opisat će situaciju između 1991. i jula 1992. kada je primijetio da se Srbi naoružavaju i kada su, u martu 1992., formirani krizni štabovi. CRNČALO također govori o progonu i prisilnom odvođenju Muslimana u to vrijeme što je podrazumijevalo nasumična hapšenja i ubojstva. Sam svjedok je uhapšen 3 marta 1992., a policajci su mu prijetili smrću i tukli ga tri sata.</p>

# SVJEDOCI TUŽILAŠTVA - TUŽILAC PROTIV RATKA MLADIĆA

(Samo za upotrebu medija. Nije zvanični dokument).

TUŽILAŠTVO

		<p>2. jula 1992. srpske vlasti su otjerale svjedoka i njegovu porodicu iz tog područja. Svjedok je kasnije saznao da su oni Muslimani koji su odbili otići ubijeni. Svjedokova porodica se vratila u Sarajevo za vrijeme opsade. Njegova supruga Paša (rođena KARIĆ) ubijena je 28. augusta 1995. za vrijeme granatiranja Markala.</p>
<p>RM056 Pravilo 92 ter 0.75 sati</p>	<p><b>28. Idriz MERDŽANIĆ</b></p>	<p><u>Prethodno svjedočio pred Sudom:</u> U predmetu <i>Stakić</i>: 10.-11. septembar 2002. U predmetu <i>Stanišić i Župljanin</i>: 9. decembar 2010. U predmetu <i>Karadžić</i>: 16.-17. novembar 2011.</p> <p><u>Podaci o svjedoku:</u> Idriz MERDŽANIĆ je liječnik koji je 1992. radio u domovima zdravlja u Kozarcu i u Trnopolju. Svjedočit će o napadu na Kozarac 24. maja 1992. i granatiranju grada koje je trajalo dva dana. Svjedočit će o tome kako je liječio ljude od rana zadobivenih od granatiranja i pješadijskog oružja i kako je jedan broj ljudi podlegao ranama zadobivenim za vrijeme napada.</p> <p>Posvjedočit će o predaji muslimanskog stanovništva 26. maja i kako je vidio da srpski vojnici pljačkaju kuće. Vidio je kako su mnogi, posebno žene, djeca i stariji ljudi, odvezeni autobusima u logor Trnopolje.</p> <p>Svjedok će govoriti o uvjetima u logoru Trnopolje gdje je bio zatočen od 26. maja do 30. septembra 1992. Kao liječnik u logoru Trnopolje svjedok će dati posebne informacije o uvjetima koji su vladali u logoru i o osoblju logora. Opisat će nehumane uvjete u kojima su bili zatočeni u logoru što uključuje bolesti, neadekvatna ishrana zatočenika, i nedostatak higijene, premlaćivanja, silovanja i ubojstva koja su se događala u logoru.</p> <p>Svjedok će govoriti i o povećanom broju zatočenika u logoru Trnopolje zbog napada i sistematskog protjerivanja muslimanskog stanovništva iz sela prijedorske općine.</p>
<p>RM168 Pravilo 92 ter 0.5 sati</p>	<p><b>29. Fadila TARČIN</b></p>	<p><u>Podaci o svjedokinji:</u> Fadila TARČIN je preživjela jedno od prvih granatiranja područja nastanjenih civilima u Sarajevu 28. maja 1992.</p>
<p>RM094 Pravilo 92 ter 1 sat</p>	<p><b>30. Mevludin SEJMENOVIĆ</b></p>	<p><u>Prethodno svjedočio pred Sudom:</u> U predmetu <i>Tadić</i>: 23.-24. maj 1996. U predmetu <i>Kovačević</i>: 8. juli i 13.-14. juli 1998. U predmetu <i>Sikirica i drugi</i>: 12.-13. juni, 17.-20. juni, 24. juni i 1.-2. juli 2002. U predmetu <i>Stakić</i>: 12. juni 2002. - 2. juli 2002. U predmetu <i>Brđanin i Talić</i>: 25.-26. novembar 2002. U predmetu <i>Krajišnik</i>: 23. mart 2005. U predmetu <i>Stanišić i Župljanin</i>: 12. i 17. novembar 2010. U predmetu <i>Karadžić</i>: 27.-28. oktobar 2011.</p>

# SVJEDOCI TUŽILAŠTVA - TUŽILAC PROTIV RATKA MLADIĆA

(Samo za upotrebu medija. Nije zvanični dokument).

TUŽILAŠTVO

		<p><u>Podaci o svjedoku:</u> Mevludin SEJMENović je bio poslanik u republičkoj skupštini Bosne i Hercegovine. Pružit će dokaze o političkim događanjima u općini Prijedor i srpskom preuzimanju prijedorske općine. Kasnije je zatočen u logorima Trnopolje i Omarska i pružit će dokaze o uvjetima koji su vladali u tim logorima i zločinima koji su tamo počinjeni.</p>
RM101 Pravilo 92 ter 1.5 sat	<b>31. Hussein ABDEL-RAZEK</b>	<p><u>Prethodno svjedočio pred Sudom:</u> U predmetu <i>Galić</i>: 15. i 16. jula 2002. U predmetu <i>Karadžić</i>: 19.-21. jula 2010.</p> <p><u>Podaci o svjedoku:</u> Hussein Ali ABDEL-RAZEK je bio oficir egipatske vojske. Posvjedočit će da je bio komandant Sektora Sarajevo u periodu između 21. augusta 1992. i 20. februara 1993. Svjedok će potvrditi da se, kao komandant Sektora Sarajevo, sastao s političkim i vojnim vodstvom bosanskih Srba, uključujući Mladića, Krajišnika, Biljanu Plavšić, Gveru i Karadžića.</p>
RM081 Pravilo 92 ter 0.75 sati	<b>32.</b>	<u>ZAŠTIĆENI SVJEDOK</u>
RM514 Pravilo 92 ter 1.5 sati	<b>33. Pyers TUCKER</b>	<p><u>Prethodno svjedočio pred Sudom:</u> U predmetu <i>Galić</i>: 17. i 18. juni 2002. U predmetu <i>Orić</i>: 14.-17. mart 2005. U predmetu <i>Perišić</i>: 28.-30. septembar 2009. U predmetu <i>Karadžić</i>: 17.-18. januar 2012.</p> <p><u>Podaci o svjedoku:</u> Pyers TUCKER je bio pomoćnik za vojna pitanja Philippeu MORILLONU, komandantu snaga UNPROFOR-a u BiH, od oktobra 1992. do marta 1993. On će pružiti obimne dokaze o događajima u Sarajevu i istočnim enklavama Srebrenice od oktobra 1992. do marta 1993.</p>
RM177 Pravilo 92 ter 2 sata	<b>34. John WILSON</b>	<p><u>Prethodno svjedočio pred Sudom:</u> U predmetu <i>Krajišnik</i>: 17.-18. maja 2005. U predmetu <i>Perišić</i>: 3. novembar 2008. U predmetu <i>Karadžić</i>: 21.-23. juni 2010.</p> <p><u>Podaci o svjedoku:</u> General John Wilson bio je viši oficir za vezu UN-a od januara do marta 1992. Bio je načelnik štaba vojnih posmatrača od marta 1992. do decembra 1992. Pružit će dokaze o Mladićevoj ulozi u usmjeravanju artiljerijske vatre prema Sarajevu. U toku brojnih sastanaka Mladić nije negirao ponašanje VRS-a, nego je pokušavao to ponašanje opravdati kao potrebno zbog obrane Srba.</p>
RM129	<b>35. Muhamed</b>	<u>Prethodno svjedočio pred Sudom:</u>

# SVJEDOCI TUŽILAŠTVA - TUŽILAC PROTIV RATKA MLADIĆA

(Samo za upotrebu medija. Nije zvanični dokument).

TUŽILAŠTVO

Pravilo 92 ter 0.75 sati	KAPETANOVIĆ	U predmetu <i>Galić</i> : 6. maj 2002.  <u>Podaci o svjedoku:</u> Muhamed KAPETANOVIĆ je bio dječak iz Sarajeva. Jednog dana, kada se s prijateljima sanjkao, pogodila ih je granata. Jednom od dječaka granata je otkinula glavu.